



# Chamna Aw

(A Monthly Organ of the Evangelical Synod Church)

Vol. XXXIII

No. 05

August, 2018



2018  
KUM  
THUPI:

“GAMLAK DING TAMTAK AUM NALAI HI”

JOSHUA 13:1

Editor: Rev. T. Kamgin Gangte

**Chamna Aw**  
(Evangelical Monthly)  
Regd. No. 64436/96  
E-mail, e7s7c7@gmail.com  
www.synod church.com

Alak man ..... apat ..... ₹ .....  
**If undelivered pliz return to:**  
**ESC SECRETARIAT,**  
**Chengkawnpang, Churachandpur,**  
**Manipur - 795158**

Published by Rev. T. Kamgin on behalf of the Evangelical Synod Church  
Printed at: THAWNSAUV PRINTING WORKS, CENTRAL LAMKA.

\_\_\_\_\_

\_\_\_\_\_

\_\_\_\_\_

PIN 

--	--	--	--	--	--

CHAMNA AW PHUNGVUKNA DING	
1. Chief Patron	₹ 5000.00
2. Patron Member	₹ 4000.00
3. Diamond Member	₹ 3000.00
4. Gold Member	₹ 2000.00
5. Silver Member	₹ 1000.00

# Chamna Aw

SUOHPAT KUM 1986

a sunga thu umte

- Editorial..... 01
- Sapchuom hing ..... 03
- I gam ua BJP hunglut ding dan.... 06
- “Na khut a um kha bang ahi” ..... 10
- Sukgintheih a um te  
panpihtu ding..... 12
- Thuching khen khat..... 13
- Isu nungzui ginum ..... 14
- Chate chung a nu leh pa..... 16
- Krista nanga bangtin a lang hi..... 22
- Gamlak ding tamtak aum  
nalai ngal a ..... 29
- Synod Music Festival ..... 31
- Synod Library ..... 32

**Vol. XXXIII No. 05**  
**August, 2018**

**EDITORIAL BOARD**

**Chairman:**  
Upa Dr. L.S. Gangte, M.A. M.Phil.

**Editor:**  
Rev. T. Kamgin Gangte, M.Th.

**Asst. Editor-cum-Circulation Manager**  
Rev. Khaitinthang

**Bible Study:**  
Pr. Khailalsiem M.Th.  
Evan. Paukhomang B.D.

**Contributing Editor:**  
Upa Paozalun BA  
Rev. Khaigin BD  
Rev. L.Sata B.Th.  
Rev. Thangkhoiem M.Div.  
Rev. T. Kampu M.Th.  
Rev. Henkholien MBS  
Miss Chinbawi MRE

**Editor ana hite**

1. Upa Lalkhagin	1986
2. Rev. Khaigin Gangte	1987-2005
3. Rev. Lamkhawsat	2006-2013
4. Rev. Thangkhoiem	2014-2017

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihndan ahi vek khel puoi. Article zikte'n a mawh a kipuok chiet ui.

PRINTED AT  
THAWNSAAU PRINTING WORKS  
CENTRAL LAMKA

**CHAMNA AW PATRON MEMBER LIST**

<b>CHIEF PATRONS:</b>		
1. Pu S. Paukholal	Chief of Bunglon	1994
2. Ebenezer Chapel	D. Phailien	2014
3. ESC Shillong	Shillong	2014
4. Mr. S.K. Juiliana	Lamphei	2014
5. Nk Sawmte K. Gangte	Fujairah, UAE	2015
6. Nk Esther Tinglamkim	Gangte Veng	2015
7. Pu Thangzago (K.Vawmcha)	Chiengkawnpang	2015
8. Langol ESC	Langol	2016
9. Mrs Hoiisi W/o Laldawng K.Gangte	Jiribam	2016
10. Upa Letkam	Bunglon	2016
11. Pu (L) Kamgo K.Gangte	Phuolsanbung	2016
12. Shillong Local Missionary Board	Shillong	2016
13. Pu Lunkholal Gangte	New Delhi	2017
14. Pu Noksiek	New Lambulane	2018
15. Nemkholam	New Lambulane	2018
<b>PATRON MEMBERS:</b>		
1. Pu Henkhojam	Siempat	1994
2. Sep. L. Gangte	5th Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Soson	Dimapur	2007
10. Rev. T. Kampu	Guwahati	2008
11. Pi Phalneithiem	Dehradun	2008
12. Pu B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2011
15. Pi Niengzalam	Chiengkawnpang	2011
16. Pu Sangvung	Chiengkawnpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthang	Shillong	2013
20. Pu L. Minlun Gangte	Shillong	2013
21. Pi Lalkim	Shillong	2013
22. Hav. H.L. Gangte	Shillong	2013
23. Ms. Grace Lalbiek	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy,	SDO H.Q. Veng	2013
27. Pu L. Sawia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev. Dr. Th. Lamboi Vaiphei	Hill Town	2015
31. Pu K. Pauboi Gangte	Chiengkawnpang	2015
32. Siemlaljoy	Lamphei	2016
<b>DIAMOND MEMBER:</b>		
1. Upa Lamkhodem	Chiengkawnpang	2015
2. Mrs Felli	Chiengkawnpang	2015
3. Moizokim (Chloe)	Lamphei	2015
4. Pu Lama B. Gangte	Langol	2016
<b>GOLD MEMBER:</b>		
1. Pi Niengneihchoi	New Delhi	2014
2. Agape Children Eng. Jr.H/S.	lthing, Thanga	2016
3. Upa Th. Mangngul	Bunglon	2016
4. Pi Chawimawi	Lamphei	2017
5. Pastor Goulienmang & Family	Tripura	2018
<b>SILVER MEMBER:</b>		
1. Pi Sailothangi Thangzom	Old Lambulane, Imphal	2014
2. Antioch High School Abicharan	Tripura	2014
3. Upa Thanglal	Bijang	2015
4. Upa Lalinthang	Gangpimuol	2015
5. Lamneihhat	D. Phailien	2018
6. Pu Sonpee S. Thangzom	Lamphei, Imphal	2018
7. Pu P.L. Manga	Lailak, Mizoram	2018

Tuni hin Kalvari a ei tantu Lal Isu'n A hinna a ei hung tat ei uh gilo chate haw hi, ei hung tantu hin bang tin ei gel dem! Isu Krista lunggel ding hi vak ngaihtuoh thak kit leng un deih aum hi. A kipak dem? A thasie dem? Vak kingaihtuoh tie.

Lal Isu a dinga tatdawk man um hithei dingin I hinkhuo teu siemthak a kipak a Amah pahchakna Lathak sa dingin Khanglai – nungak, tangval atam thei chin chiekhawm ding in Lalpa Isu Krista min in I kichiel ui.

PCL Thuoma  
Music Co-ordinator  
Music Sub-Committee, SMF

Soipi  
Secretary  
Music Sub-Committee, SMF

\*\*\*\*\*

## SYNOD LIBRARY

*Amasan, Sapchuom chanpihte leh simtute cheng cheng Lalpa min in chibai ka hun buk hi.*

Pathien mapuihnann kum kimkhat lam I tung tau a, I nasepna teu le masawn zel in Synod Library – CKKP Project a ana kinei pen kha; Date 3rd December, 2017 n'i'n hawn ana hi ta a, asung a ding lehkhabu chi chuom chuom; Theology lam hihenla Secular lam a hileh tam tawh tak kawih ahi tai a, zie hih kuo hileh, a sim nuom te a dinga sim theih zing ahi tih ka hun sulang hi.

Bangziaka a zie hih sum tamtak lut a lawiupaten a ngaihtuoh uh ahim, tih hi gel a I phatchuomna ding uh ngaihtuoh na ziek a zie hi a hun guon uh ahi a, thingtang leh phai a ten hun lemchang a zie hih hung sim a, hetthiem loh Bible thu leh thil dang dang hihchetna um haw hi hung sim dingin ka hun hetsak hi.

Lehkhabu chi chuom chuom hawihtak tak, mi kipie zo ten a hun piek khawm uh, chuleh, a pawimawh haw ki chawi a ki kawih a, zie hi amat dan thiem a, hung en a hung sim dingin ka hun chiel in ka un hetsak hi.

Kisuonlah nading a um puo a, I bawn ua ahi a, a phachuom thei pen leh hetna behlapna a I mat ding un I ki deihsak uh ahi.

Hung unla hung sim un, lawkpih guo chiet hitiu.

Ipu, Ipa khang a I na neih khak loh Lalpa malsawmna I chan uh ahi. Lalpan I maban uh ah malsawmna ei pie chiet hen.

*Naseppih uh,*  
Paubik Gangte  
Secretary, CKKP



## BIBLE THILTUP



Bible hin banga atop? Bible hih bang dinga Pathien in a mi thiengtho te zik dinga a piek a? Bible hih bang ti a lehdawk (interprete) dinga? tih dawtna khenkhat haw hih eimah leh eimah iki dawng kha ding u aw! Aleh Pope Francis in, “Bible hih outdated ahi tai, zikphat ding ahi.” a tii, kiti hi thudik ahi na dem!! Bible hih zikphata a thak siem zieng chi a hi na dem!!! Bible in tup leh dawih a nei a het haksa chu hilo hiel, ahih ziek a hetngilh a a na um nuom ten sek ahi. Bible a kizik mawng mawng hih Pathien thu hing ahi, tih hi niel guolloh a thudik ahi. Pathien thu hing in a dawih leh a tup chuh HUKDAMNA ahi, (Jn 3: 16). Zie hukdamna kiti hih taksa hukdamna hilo in thagau hukdamna ahi. Taksa lam a gen khak na haw hi a tangpi a tehkhin thu (parable or illustration) ding a kigen ahi deuh vek hi. Taksa hukdamna kigen khakna haw hi thagau hukdamna ding kawh a agen hivek ahi. Taksa hukdamna genkha lo hiel in Thagau hukdamna ngen gen gen zieng taleh thagau lam mit haklo te ding a chuh hetdawk haksa mahmah ding ahih ziek a Paul in a thu genna te haw ah tehkhin na a taksa lam thu a gen khak veu sek ahi.

Etsakna mawl pen leh a baihlam pen ding in Chanchin pha lam a, “Buhchi Thehpa Tehkal thu” (Mtt. 13: 1-9; Mk 4: 1-9; Lk 8 : 4-8) khah vak en leng un. Zie a, “buhchi” thusim kigen hih a buhchi chung tungtheilo ding khatcha le a um puo a, a dika dik thei le ahi. Ahih zieka a gen guot pen hih “Buhchi” hilo hiel ahi. Lampi panga kie vacha te'n a luok uh, Suongpek chung leipek sahlohna a kie kekawk paizieng, a zung thuktaka a lutthukna ding a umloh ziek a vuoia thipai mai, abang hamlingnei laka kie kideptuoh khangtheilo, ham phatna mun a kie duoh huthut; kiti haw hin agen guot pen hih a buhchi pen hi ngaihawk a a gen ahi puo a, chuleh, mihiem te hih a umna dinga umlo puihmang leh gukmanga (kidnap) um kigen ahi diek puoi, midukdaklo te tawh umkhawm a kina-kina, kiniel-kiniel khangto theilo gen le ahi diek puoi. Gingtu te thagau lam dinmun ding kawka a gen ahi zawi. Gingtu te thagau lama manthai theih ahih sek dan leh bit taka um theih ahih sek dan haw gen ahi. Zie guol chun Bible sunga thu kigen himhim hih a tawpna pena a kawksak chuh “thagau,” hih ahi chawkseki hi. Zieziek

## Chamna Aw

chun, Bible hih interpretation I bawl tak leh thagau dinmun tieng tunglo a suktawp ding hi naisai lo ahi. I Bible pumpi a a chang chabi (Jn 3: 16) hih Bible thu cheng cheng khaihawm tihna ahi a, a gen hih kumsawt hinna ahi. “Taksa” hih kumsawt a hing dinga ‘gen’ ahi puo a, kumsawt a hing ding atih chuh “Thagau” hih ahi. Bible hih aheth abaih dungzuia ahethkhielh hile a baiha baih ahi. Bible hih lehkhielh (interpreted) khielh ahih chun mi le kipui khiel zieng ahi. Ziek chun Bible LEH (interpretation) hi thiemthei taka bawl ding a hi. Evi leh Adam in le Pathien thu a he khiel u a, puilmang in a um ui. Pathien in, “na nek ni ni leh thi ngei ngei ding na hi,” (Tsb 2: 17) a ti a. Setan in, taksa lam kawka in “thi hiel puo’n lau,” (Tsb 3: 4) a ti a. Pathien in thagau lam kawka, “thinlau,” a tih khah Setan in a heikawi sak ahi, (*Zie a Setan in a heikawi hichu vang aheth khielh ziek ahi puo a, he sasa a a bawl ahi*). Evi leh Adam khan le taksa lam hi dingin a na gelkhau a, a taksa lam ukha chuh Setan gen guol in a thi hiel puoh ngut a, hilele a thagau ukha chuh Pathien tih guol ngei in a thi ahi tai. A ziek chuh Pathien in thagau lam kawka a gen ahih ziek in. Zieziek chun, I Bible uh Pathien thuhing hih taksa lam kawksak a suktawp zieng ding khatcha le umlo ahi.

\*\*\*\*\*

## Ngetna

*Chamna aw hi subscribe a, Articles a hun pie zing ding in leh subscriber ding hun hawla sponsor hun bawl zel ding in, chun aphung vukna ale pang ding in na tawmngaihna leh deihsakna Pathien min in ka hun ngen ui.*

- Editorial Board

## Chamna Aw

dik chuh nawpsakna, kipahna tawh lungnat tawh kizui ahi a, zie gam kizui ahi. Zing thawh peihlohna hih chuh lak ding tampi na nei nalai hi.

\*\*\*\*\*

## SYNOD MUSIC FESTIVAL

Evangelical Synod Church, Central Kristien Khanglai Pawl organised na nuoi ah Synod Music Festival, October 19th – 23rd 2018 sung hi leh ESC Secretariat Compound a neih/mat dinga guongalh ahi a, zie na a vak het dinga pawimawh khenkhat vak sulang hi tiu.

Amun : ESC, Secretariat Compound

Ahun : 19th – 23rd October, 2018

Thupi : Lalpa Chawian in lathak saituu. (Sam 98:1)

- Zie Music Festival Co-ordinator ding hin Pu PCL Thuoma guot ahi.
- Music Sub-Committee Secretary ding hin Pu Soipi guot ahi.
- Competition items anuoi a guol hin guon ahi;
  - (1) Biel (2) Local (3) Male Voice (4) Female Voice
  - (5) Trio (6) Solo (7) Solo – Under 10 years
- Competition na a la ding hi ei lak a Pathien hopihna changa ana ki phuok haw deuh hi mat dinga lunggel neih ahi.
- Competition la ding haw;
  - (1) Biel a ding : Hatna Vanlalmang
  - (2) Local a ding : Vanglai Lunlai – By P. Muona
  - (3) Male Voice : Lal Isu A thawhkit nungin – By Rev. K. Thuomngel
  - (4) Female Voice : Chung Van Jerusalem Khawpi – By M. Sawmlal
  - (5) Solo : Pathien hehpihna lopi (KPH No. 124)
  - (6) Solo – Under 10 years: Vang hun pien – By SL Son
- Competition items cheng ahih Prize a hawih thei chin leh a kilawm taw guon hi ding ahi.

Zie Music Festival in a tup leh a deihipen chuh; “LATHAKSA A LALPA PAHCHAK” ahi. Lathak vak tih hin, thangnitak vel a kiphuok tuni a vak sak tih hih ahi puo a, lunggil thak ngaihthuohna thak leh Pathien a dinga ki piethak a, thalawp tak a a pahchakna la haw kipak tak a theitawp suoha sak ding tih ahi.

I gam, I nam, I gamsung leh I sapchuom sung hi Lalpa pahchakna aw telloh ziekin a gaw zo ta a. Siempaha a tungding thak kit dingin mawhuokna lien tak Khanglaite hin I nei ui. Laphuoktu khat in, “Lalpa entie ka gamsung uh, na cha ka hihnau a lang dawkw zo ta puoi, ka mel u le a muol zo tai. Mantam tak nei piek hinkhuo hi gamsa bang phet ka suok gam tau ie.” tin ana phuok hi.

dinga Lalpa'n a piek chuh a sukpitit masang sieh, zawh loh luohloh hito tho zing ahi.

Tuni hin Krista zala Thiempu, A thisan thienga a chate hidinga tatte hin, mimal hinkhuo ah gamlak ding tamtak I nei chiet ui. I taksau pumpi hih mana chawksa, Thagau Thiengtho In ngal ua. Lalpa dinga gamlak ding haw chuh:-

1. Thientho lohna gam: Taksa a thienthona apawimawh mah mah hi. "Na thientho ding uh ahi. Kei ka thiengtho ngal a." Cheplemuon thu a thienthona le a pawimawh mah mah hi. Kuhva thaih, zarda muom, talab nek, lehkhachep chep haw hih zu ahi puoh a, zu ahilh loh man ahim, No. 4 ahilhloh zieka thieng ziang hilo ding ahi. Khaini muom leh adang dang haw tienga le thienthona ngaikhawk hitiu. Thientho zawhlohna gam lak ding tamtak na nei nalai hi.

2. Diktat lohna gam: Diktatzawhlohna lamchuom chuom alemchang leh, kuoma'n bawn ei mulo, ei he puoi, tih a, suonlam ding lemchang man zena diktat loh theihna gam lak ding tamtak na nei nalai hi. Office kaite, Dawr bawl, mehzuok, nekhawl na leh nasepna haw ah Lalpa a dinga lak ding gam tampi aum nalai hi. School naupangte'n le gamlak ding lak nailoh tampi nei ngei ding I hui hi. Ei utdan leh deihdan chauh a umna gam, I thu thu a um zing theihna, zalenna gama pat Lalpa deihdan he a, a ngaihkhawk ngaikhawk a, amah

hehpihte hehpihna gam lak nailoh, lak ding tampi na nei nalai hi.

3. Thilpiek piek thatnawp lohna gam: Thilpiek a Pathien in ei hung dawr masak ahi a, ei unle pie tam taluo ngei lo ding I hui. Khawvel pumpi ei ua hi henla, abawn in pie zo kei lengun le tawm taluo nalai ding ahi. Thawhlawm amun deuh leh, Sapchuom ale ki-um zo puon a, talawm lawm kiti pai sek. Phunchiekna gam, kiphallohna gam lak ding tampi na nei nalai hi.

4. Bible sim, Paucham, Kikhawp kithalawp lohna gam: Ni chenga Bible sim zing ding, sim zolo. Paucham zing ding, paucham peihlo, kikhawm zing ding, kikhawm peihlo a umna gam lak ding tamtak na nei nalai hi.

5. Kingaihdam lohna gam: Kristien, Pathien cha, a nungzui ka hi ti ngal, kuomah ngaidam nuomlo, chapo taka, dik kisa taka umna gam lak ding tamtak na nei nalai hi. A gam luohute a hat ua, a lien thei ua, lauh um tak tak ngen ahiu hi. Lalpa'n zie gam haw chuh lak dinga ei piek, lak nailoh gam lientak um nalai ahi. Mi kingainiemte kawm ah Pathien a um nuom a, lunghei a amah beltute'n Thagau thiengtho pawlna a chang ui.

6. Zingkal thawh vak ngaihkhawk lohna gam: Kristien diktak chuh zing tho hak mah mah um puon a. Zingkal thawhvak hih damtheihna tawh kizui, damtheihna chuh hauhsakna, Inchenna tawh kizui, hauhsakna

## SAPCHUOM HING

(Nas. 2:41ff.)

-Rev. Soikhogin Thangzom

Sapchuom kiti chuh Sapchuom hing etnawp le um, thilhihthei, Peter lawi hunglai guola khah mi tawmcha'n le khawvel chawklung thei khawpa um ding hinapi'n I tulai khawvel u ahin Sapchuom hing leh ettawn tak vak sihdawk I guot lele akcha mang hawl taka hawl ngai mai ta hih thasiet muisiet le um hiel ahi. Toronto Peoples' Church leh Korea gama huntieng I vak het haw tihloh hi a vang khawp mai hi. Thil him him hih a hihna ding bang atun zawhloh hin chuh titlona nei ahi tih hih sun leh zan guola pello thudik kumkhuo ahi.

Amasapen in, Krista thasang Van palai I hihnau a I kichet phawt uh angai hi. Palai him him chuh mi ginum, a gam lungsiet, a gam leh a mipite chawihsan theih china chawihswana dinga thi leh thau pawlh a panla ding leh, a gam mel a phalam sulang dinga mi muonum a ngaih ahi sek ui. USA palai, gam danga a sawlteu chun a sawltu USA lopina a kentel ziekin amau mimal duong leh sakmel ah lopina leh zahumna nat mang kilele amau khah USA thasanga ngaih ahieh ziekin a thugen, la sak uh, a khawhei, umdan leh nungchang u khah USA hivek mai ahi.

Isu Krista'n khawvel a nutsieh ding kuon khan amah thasanga van gam palai na sem dingin a Sapchuomte a guot a, ziehaw laka chun vangphat huoi tak in ei u hile zehtel khaka I

um tak zieku a zie na lopi tak chuh nehtaka supiting dinga mawhpuotu I hui ui. Eimau mimal ziang achun I ien dan I umdan a mi bangzolo leh fel lo hi ziang leu hingle khawvel in ei etdan a chun eimaua Krista mel muhguo a hui ui. Khawvel mi vangtang khat guol maia nep hilo in, Lei leh Van Lalpen palai (ambassador) I hih ziekun Lalpen lopina kenga thuneihna sangtak tawh palai dinga sawla um I hui ui. Hihna kihechiente a ding chun chuh I sep sak gama dinga hinlohna zie umlo ahi.

Anihna achun, Palai a ei sawltu Lalgam chuh Dikna lalmawlh (Heb.1:8b) a vaihawmna gam ahieh ziekin Sapchuom chuh Sapchuom hing ahiehtheihna dingin vaihawmte'n le Dikna lalmawlh manga vai I hawm ding uh ahi.

## Chamna Aw

Sapchuom hing le nuom, mattak leh thiengtho I sung ah Dikna lalmawlh manga vaihawm ahihsek loh ziek hi'n alang hi. Vangam chuh Dikna lalmawlh a vaihawmna mun ahieh ziekin a sunga lengte le kipak sieu sieu in a um ui. Palai chun I munpi zie tawh kituoka I bawllloh chun, gimtak leh chawl takin sem sem leng un le pawmlloh hi tho tho ding ahi. Palai chun a kuonna gam Government deihdan leh lunggel a het ding ahi. Sapchuom sungah mi zie tincheng kithunkhawm mahleh a vawm chuh a vawm a, a kang chuh a kang ahieh zing ding ahi. Thankik zie chuh Dikna lalgam ah a mattak puoi. Vaihawmna dikloh zieka Sapchuom palaihna nasep a chauh siet mai chun chuh vaihawm pawlte chung gik ten mai in a.

Athumna achun, a na him him hih a pha chiet chiet a le amasa ding amasa a, a nunung ding a nunun loh leh a kisawng sawlawi vek a, matna bei suok vek thei ahieh ziekin, Sapchuom hing hiding chun bang pena sep masak ding tih het a ngai hi. Palai I hih nau a I hihding khawken u chuh A gam chanchinpha phuonzakna hih ahi. Sapchuom chun Biek-In etlawm tak, Office thupi leh zahum tak, member tam lamle kilawm tieng ban ah, neihlego thildang dan gle I mamawh vek leh neih le guot ding hinapi'n zie haw cheng

cheng sanga masa zaw ding chuh Palai I hihlawhna pen Chanchinpha phuonzakna hih alo theilo ahi. A gam leh a felna haw masa zawu in, a tih khah! (Matt.6:33)

Bonhoeffer in, "Sapchuom in Chanchinpha phuonzakna lam gun gen a, a sep tieng chauh uleh Sapchuom ti a vawh tak ahi ham sek ui" ana tih hin zie na ngaihthate chuh Sapchuom tihtak ahiehloh zieku a genna ahi. Chanchinpha phuonzakna hih Sapchuomte nasep laka bak mai khat guola kawih chauh ding himai lo in, Sapchuom in thildang cheng sanga ngaihkhawken pen ding chuh Chanchinpha phuonzakna hih ahi. Canon Body chun, "Sapchuom in Chanchinpha phuonzakna a ngaihkhawknau leh phachuom a ngaih nau dungzui zel in hlimna leh malsamwmna a chang sek ui" a ti a. Khuti ahiehleh, Sapchuom gaw leh hing zolo a I kihet tieng chanchinpha phuonzakna lam ngawh pai pai mai ding chuh a lampi hi'n a. J. Herbert Kane vang chun, "Sapchuom in chanchinpha phuonzakna a ngaihthah uleh a ginnau a phatsan ui tihna ahi," ana ti hiel hi. Dik le dik ngei in a.

Tuma'n Albania gam khuh Kristien gam ana hi a, Sapchuom hattak leh hingtak ana hui. Vangsiet huoi taka communist in a hun lak phet un, a sakhuou chuh zalen taka

## Chamna Aw

ngaihtuohna haw mawng mawng hi Krista zal in paih tha thei leu hin, I gam leh I nam sung hi Lalpa'n hun vangsak thak kit tei tei ding in kinepna lien tak I nei na lai ui.

7. Kristian chiet chiet ding in, min Krista a hehpihnau leh, ei hawn Krista I hehpih nau hi, a ki bat lohna tak khat vang aum hi. China te'n, Krista hi a kumsawt Hukdampa tak tak ding in apawm u a, ei hawn vang khawvel a I damsung uh phaw ding chauh in I dei ui. "Lalpa Isu, kuole Pathien gam zieka, In ahim, zi

\*\*\*\*\*

ahim, suohpate ahim, nu leh pa ahim, chate ahim taihsan taphawt chuh, tu damsung zieng in le, asanga tamzaw mu lo ding kuomah a um puoi, kumkhua hinna tawh" (Luke 18:29-30). Zie Bible chang, Lalpa Isu'n agen hi, China gam Kristiante ding chauh a zik hawuh a him tih theih hiel ahi. Tukhela Bible chang ki zik him him hi ei haw ading ale zik ahi tih he ngilh puoi tiu. Lopina Lalpa chang henla, simtu te cheng athak in Lalpa thagau in hopih henla, thagau lam vangsakna changta hen. Amen!

## GAMLAK DING TAMTAK AUM NALAI NGAL A (Joshua 13:1)

By: Rev. K. Siemlien

Pathien in Joshua kawm a zie thu, ngaihkhawken umtak a genlai hin, gam chuom chuom, Israel chate'n a lak ua, a luoh ding uh, lak nailoh, luoh nailoh um ahi tih ei hetsak hi. Alem ahiehleh a luoh ding uh, a lemloh lele khawken dieklo tih ahi puoh a, Israelte a dinga Pathien hatna suonga a lak uh pawimawh mah mah ahi. Israel chate dinmun Pathien in a he a, a luoh ding ua a piekna mun leh gam mite dinmun le a he kimvel vek hi. A zawhloh ding uleh, amau a dinga thil hitheilo a guotsak ahi

puoh a, mahleh amau hatna leh thil hihtheihna hilo a, Pathien hatna leh a thil hihtheihna zieka, azawh ua, a lak ua, a luoh dinguh ahi zawi.

Joshua chu, na tek ta a, a ngai ta puoi, nang nunga te'n le hun la'n tin uh, a khawken puoi tih ahi diek puoh a, tek ten ta mahlele, Pathien thupiek chuh a ngei ngei ahi zing hi. Joshua'n le theihtawp suoh a nasem, panla hitho ding in ginchak aum hi. Haksatna, gensietna, muhsitna haw le tamtak thuok in a. Mahleh, a sep

## Chamna Aw

khel tai tih a, na kisikna thu lehkha a na zik chun zalen tak in, na In chieh thei in na tin, na chate enkawl thei ta ding na hi a tiu a. Khuti chun, thuneitu te chun a hun ding ahun guongalh niu chun, a chate nih le suongkul ah a hun pui ua, Sister Yuen chun a chate nih a muh muh chun a lungthim na ta luon a chate a lungsiet ziek in mithi tui luong zawi zawi in a kap a. Suongkul thuneitu te chun, Bang a na deih? “Na Isu ahim ahilhloh leh na chate”? tin a dawng a. Isu Krista na deih chun suongkul a um den in na tin, na chate na deih chun In lam chieh thei inla, tin a deih zawk zawk tel ding in, pencil leh lehkha pek them a zik ding in a pieu a, aman le, lehkha mal lien tak in hi ti hin a zik, “Isu chuh bang mah dangin theng thei puon ah, ka chate’n le Isu chuh theng thei puon au” (“Jesus cannot be replaced, even my own children cannot replace Jesus”) tin a zik a. Lehkha mal lien tak ah, a lehkha zik a vak sim uh le, mak asa mah mah ua, warden pau chun, Sister Yuen in suongkul a um den a tel zawi tai tin, a chate kawm a chun le, Naute, na Nu ahun lungsiet ta puo a, ahun deih ta puoi tin a hung ki ko dawk hiel hi. Sister Yuen chuh kum sawmnihi leh thum (23) suongkul a tan beh a, achapa kum sawmthum leh li (34) ahih in 1981 kum in suongkul apat

in ahung pawt a, zie lai chun a chapa le Tibet a Govt. nasem in aum hi. Sister Yuen in suongkul a um sung in a chate nih a khat zaw zaw le amu kha puoi. Unau, Kristian tamtak in a chapa veh in, chanchinpha thu gen in a va holim pih sek ua. Himahlele, aman akawm ua, “Na Isu in, ka nu kei apat in ei lak mangsak a, bang ziek a amah ka gingchak ding him, ana ti sak sek hi. Siaster Yuen ngei le a chapa ki muh pih ding in Tibet a a chieh a, a chapa’n amuh muh in, a In apat in a sawn daw, ken Nu ka nei ta puoi tin ana nawlh hi. Zie apat chun a chapa amu kit ta puoi. Zie te nih nuchan hinkhuo ding hi vak ngaihtuoh tie, bang tieng a gimtheihna leh haksatna hinkhuo Krista ziek a a thuok uh ahi ta dem maw! A chapa neih sun sun in Krista ziek in a nu khawvel a angaipen leh a lungsiet pen a nawlh a. A nu’n Krista ziek mah in a chate nih amah thisan ngeia ahin taihsan in Krista apawm a. Krista lungsietna hi chuh a hechien te ding in a lopi ta luoi ti khel gen beh ding a um puoi. Lalpa’n van gam a bang tawbang lallukhuk Sister Yuen ding a guong galh dem maw, vak ngaihtuoh tie! A lopina maizen ding e! Aleh, ei haw Krista ziekin bang bang I taihsan ngam tau hi; dum mou, tui buk, khaini, meikhu chep, kuva, mi gensiet ut na, cha pona, hi kisakna, gukhahna leh suol

## Chamna Aw

manga Pathien ho thei ding, hilele Chanchinpha phuonzakna lam phalloh bik bek a tihsak ziekun, Kristiente chuh zalen tak leh nuom takin a kikhawm sek ngei u a, halhthakna haw le a chang cheng leh a chang sek ui. Himahleh, hun chiehzel a chun Chanchinpha phuonzakna lama ma latheilo a aum ziekun a hung da deuh deuh ua, a hung chau tha vek tau a, a gam u chuh communist sinsakna’n a luohdim vek tai... Chanchinpha phuonzak loh hi Sapchuom sietna bul leh a hungchem a, a maiman hielna ding uh thuguk ahiehzie Sapchuom kitite sang hin communist te’n a he zaw daih ui. Sapchuom punga, halh a, hinga, kuongdaw, ding I tih leh Chanchinpha phuonzakna ngaihkhaw, pena neih ding ahi mai hi.

Sapchuom chuh hing tak ding I tih leh Lalpa Isu thupiek ngaihkhaw, pena neih a, luipi guola luondaw, zing ding ahi a, mun dang, gam dang leh khawdang haw a luondaw, zing ding ahi a, mun loh phat phat leh ninnaw, ahung tam a, ahung namsie a, kihdak ahung um ek hi. Luongdaw, lo chuh- an ne ngala, thadaw, klow tawh kibang ahi. Zie tieng chuleh, I lu, I jang, I itin hungna’n Sapchuom hisello, damlo hung hi’n tin, kimukphunna leh kiniknona hung tam mai ding ahi. Sumlepai lam khello a le thulela a luondaw, a,

pauchama malak zel chuh Sapchuom kiduohna leh hin dup dupna thuguk ahi. Eimah diklohna le umdaw, thei talo khawpa hinkhuo mang I hih tak chun chuh thagau lama damlo gimtak ka hi tai tih kihet a, Sapchuom a hih behchabul bang zienglo a kitim dan het deuh le pha ding ahi.

Sapchuom hing leh hattak I tihte hawnle chau deuh chang leh mathak lak ngaih chang a nei zing sek tho ui. Ahi’n Chanchinpha phuonzakna lam ngaihkhaw Sapchuom phawt chuh chahna guk nei mawng leule melsie khawp in a lang kha puou ui. Sapchuom hing chun thagau mangte lainatna a nei lien ua, thilpiek ah a khut uh a lien a, paucham leh kipawlkhawm a kithalawp ui. Midang hinkhuo ah a buoi puou a, Krista tawh amau kal kigamlai khak ding tiza’n Lalpa a naih tun tun sek ui. Sapchuom Lu, Isu Krista deihdan kalh a na sep khak ding a kiveng ua, taksa leh thil a lawk ding leh minphana ding sangin Lalpa tawh kithuoh a umkhawm a thalah zaw sek ui. Hatlo leh chau a a hetteu chuh a lungsiet u a, a vei u a, a viltha peih sek ui. Biek-In a ngainau a, Bible guolpha’n a nei u a, khutdawh lung pulo in, kipahtu gen a hat ui.

Piengthak I hih tak a, cha hihna chang I hihtak ngal u chun, mi kamsuok chuh mite’n Krista aw guola a ngaih uh, I umdan leh

nungchang haw a Chanchinpha un Sapchuom hing leh palai ginum phuongtu hizing leh, I mel u a le hi chiet dingin Lalpa naih thak kit mi'n Krista mel a muhtheihna ding chiet hitiu. (Sam 73:28).

\*\*\*\*\*

## I GAM UA BJP HUNGLUT DING DAN LEH I MASANG DING UH

By: Rev. Dr. Jangkholam Haokip, UBS, Pune

“When the Missionaries came to Africa they had the Bible and we had the land. They said “Let us pray” we closed our eyes. When we opened them, we had the Bible and they had the land” –Desmond Tutu

Achunga quotation hih Bishop Desmond Tutu'n Africa gama Western Missionary, Pathien thugente umdan a gen ahi. A gam uh a laksak ua, mi thunuoia a umdan uh a genna ahi. Tulai a BJP, I gamsung ua ahunglut guot dan uhi tawh akibatna um dingin, zie thusim apat hih ei ngaihuhsak hi. Ei u laka le zie guol dinmun hih hung tung thei ding hileh akilawm hi. Thil hung um thei ding haw vak en hitiu.

Kum 2014 General Election ah seat 336 lak ah 282 a muh ziekun, BJP (Indian Peoples Party) te'n vai a hun hawm pan tau hi. Tuhin India sung mai hilo, khawvel pumpia, mipite phasakpih lienpen ahung hi

tai. Politics mai hilo, sakhuo lama le ahat leh alienpen, thilhihthei mah mah ahung hi tai. Etsakna'n: America gam ah Yoga gingcha a practice bawl mi 30 million aval tai ti'n Prime Minister in a gen hi.

BJP ahung hatdawkna ziek hih, akilanpih Congress Party hatzawhloh ziek leh midang (Muslim leh Christian) te vaihawm sanga Brahminic Hindu Nationalism sukhatna ding deihna ziek ahi pen hi. Hindute chiehpil chuh “Hindutva” ahiloh leh Cultural nationalism, zie chuh India gamsunga cheng, cheng chengin India umdan a zuih vek ding, midang umdan zuihloh ding tih hih ahi.

hi ki ding le, bang lung I gel ding um maw! Judas hin chuh khat vei chauh Krista a zuok a, aleh ei hawn khawi tak tak mun a bang zat vei I zuok man tau hi? Tu naih cha ah, I zuok nau kha abang zat veina ahi ta die? Ki gel thak kit zel hi tiu.

6. Bible in, Pathien chuh khat ahi tih na gingchak chun, na hih pha nai! thitha te'n le a gingchau a, a kithing sek uh a puo! tin ei hilh a (Jacok 2: 19). Aleh bang atih leh, zie I gingchaknau hi thitha te gingchakna tawh ei tehkal khel khel ahi die aw? I gingchaknau hi bang gingchakna ahi ta die le? Bible mah in, na taksanna chuh thilhih tel lo in, amah mai a um chun a thi ahi (Jacok 2:17), tin ei hun hilh chien kit hi. Zie um zie chuh gingchakna nei leh chunle Pathien a dinga thil hih na neihloh chun na taksanna/gingchakna chuh athi ahi tihna ahi. Khawvel mun chuom chuom ahin gingtu te'n Kristian hinkhuo amat dan leh Krista amuh chien dan leh thih tienga ginum a Krista a aki piek zieu gen ding tampi a um a. Zie lak achun China gam a gingtu te'n le Krista zal a gimtheih leh haksat a tuoknau haw hi khawvel kristian thusim a hetngilh ni umta lo ding in gingchak a um hi. China gam hi 1949 apat in Communist gama phuon ahih nung in, Krista chanchinpha lut nung kum sangkhat lam a ting ta a, zie hun

sung hin Kristian tamtak in neman lo in sukgimtheih na leh lungsietna tello hiela gawtna a thuok ua, Pastor tamtak suongkul ah a thi den ua, Missionaries 150 leh Chinese gama gingtu thak, Krista sepaiah dinga hung ki pie dawk sangkhat sanga tam zaw Communist khut a thah in a um hi. Lungthim khawih tak tak testimonies gen ding tampi aum a. Zie lak a chun Sister Yuen Meng'en chanchin, zie ka ziklai in ka lungthim a hung kilang a, Pathien lopina ding leh thagau lam vangsakna simtu te'n I chan theihna diu leh Krista lungsietna mu chien te'n Krista a pat in bangmah in ei ken theih loh ahih dan chanchin chawmcha, chawmkim tak in vak gen hi tiu. Sister Yuen Meng'en hi Shanghai a insung hausa tak apat hung kipan ahi a. Meithai ahi a, cha nih anei a a lien zaw chu pasal kum sawmlekhata upa ahi a, aneu zaw chuh numei kum kuo a upa ahi. Kristian sakhuo a pawm ziek in China sorkar in 1957 khan suongkul ah a khum u a. Kum khat suongkul a tan nung in thuneitu, Public Security Bureau (PSB) Chief Warden chun akawm ah, kum khat sung in na nasep leh na um dan haw hi ka et uh leh hawih kasa mah mah ua, na nasep hawih ziek leh umchan phat ziek in lawmman hun piek ding ka tiu a. Nang hih ding chuh, thil ka hih



ki lungsiet tak leh ki deihsak tuoh leh kithuguol tak in I chieh khawm diel diel ua, sum a tam deuh deuh ki buoi deuh deuh, veng sung leh khuosung leh insung na tieng ale, ki lainatna leh ki lungsietna tawm deuh deuh a, buoi lam leh haksatna lam aki manawh deuh deuh hi. Lungawi tak leh taima tak a I sep khawm lai ni teu kha chawhlsan in, aning ninga I mazawn chiet ah sum hawl in I ki taih siek gam tau hi. A hih ziekin Bible in “Dangka sum ngai na tu chun dangka sum a deihkawp mu puo’n ah a tih guol in, anei tam leh a neitawmte lungawih lohna le a hung ki bang to zel hi ( Thup 5:10). Khawvel a mihausa pen Rockfeller in, sum vang a hau mah mah zienga, a sum hauh dan chuh a suok mi sawmthum in kum sawmthum sim leule a kimkhat le simzo puo’n au. Khuti khawp a chuh hausa hi mahle le a nei tu lungthim chuh tasam ngawih ngawih a a ki hetna’n a dim zing thou thou hi. “Ni khat zieng hi lele thawmhaulo tak a ei umsak thei a um chun ka sum kimkhat hi pieng ka” tin, a lung awih theihlo dan a gen lang hiel hi, a tiu hi. Tuni hin, unau tam tak in sum leh pai a lungawi ding in a ki ngaihtuoh sek uh a, zie chuh ahi a het thiem lohnau chuh. Khawvel ahin mi lien, mi hausa leh scientist tam tak in amau hih theih na leh a sum leh pai suong in lungawihna hawl

mah leu le, kuo man Lal Isu tello in lungawihna tak tak a mu zo puoi hi. Sumlepai ah I lungawih theiloh nate hin, inkuon cheng cheng hi a sie lam in ei pui mang gam zo ta’n, a khawk mah mah mai hi. Sapchuom sungle sumlepai utchakna ziekin adik azawn a chieh ding dan tak ale chieh thei lo in, Pathien I ho ding dan dikta ale ho thei ta lo a, I um mai tak haw hi I ngaihtuoh leh, a paw mah mah mai hi tih khel gen ding a um puoi. Lalpa Isu’n ei a ding in zepna, zahhuoina leh muhsitna tincheng A thouk a, Kross pu’n thisan kai neu no kawm in Jerusalem khawpi A hawhpai a, Kalvari Tang ah nangle kei din Kross ah A thi a, A thihna leh A thuokna haw kha vak ngaihtuoh kit tie? Dan leh, Lalpa dinga nitin hinkhuo I mat dan leh, I ho dan haw, nep ta luo I sak hun hung tung ngei ngei ding ahi. Zie tieng chuleh nasa tak in kisik in, ei mah le ei mah thiemloh ki chan lengle, a vaigei ta luo tai tih khel gen ding um ta lo ding hi. Hun chiehsa nung ngaih vung vung a, sam kit nuom lengle sapkit theih taklo na hun a tun ma’n leh Juda Iskariot guol a kisik tun tun leng le a phat chuom loh ni a tun masang in, simtu cheng cheng in I umna chieta avel in pan la thak chiet ding in ka hun chiel hi.

5. Judas Iskariot din mun ahin, tulai a, Sapchuom nu leh pa te, khanglaite leh vantang lawiupa te

Zie chuh, India- gam khat, India- nam khat, India – Sakhuo khat, India – thusim khat hiding tih ahi. Gendan dang ah- India gam hi culture dang leh sakhuo dang umsak loh ding; Brahminic, Hindu culture chauh sukhat ding, khawvel pumpia thuneipen khat hih ding tih ahi. Zie ngaihdan semdawk ding chun RSS VHP leh Parivar dang dang haw a siemdawk ua, amau haw cheng chun BJP hih ahun tundawk uh ahi.

Mipite a zawlnau matchak (ngakuoi) anchak chuh ‘development’ ‘good governance’ leh progress sukhat ding, tih haw hih ahi. Thalui, May 2016 a Assam Assembly election a BJP ahung hatnau zie le zie guol matchak chuh manga, Assam gamsunga midang (Bangladesh Muslim) haw lutsak loh ding a tih zie uh ahi.

Zie a hetngilh loh ding chuh, India ‘culture’ leh ‘sakhuo’ sunga hih adieka caste system zui zing Aryan mite culture leh sakhuo kizuihna ahieh zie in, ei haw culture leh sakhuo hih a telsak loh him him uh ahi. Aziekchuh, amau in nam niem- nam sang (high caste, low caste) a nei ua, zie lak ahieh aniempen laka le ei uh ei telsak loh uh, nam niem, nam thienglo (outcaste/untouchable) tia ei kawih uh ahi. Ziezieka chuh India culture a kisim tello ahi.

Etsakna’n, BJP te’n bawngsa nekloh ding a tiu a, ei uh chauh lo, Aryan laka tello Hindu dangte culture tawh le kibang lo ahi. Ei uh umdan chauh hilo, I Sakhuoou Christianity hile Hindu te’n India sakhuo khata a simtel nuom loh uh ahi.

Zie haw zieka chuh tulai North-East apat chapang tampi Maharastra leh gamdang dang ah School a kaihsak ua, Hindu diktak ahiehsak guot zie ua amau culture deihsak taka, theihtawp a a sinsak uh ahi.

Tulai in Pune ale Khasi chapang tampi a kawih ua, Nagaland ale RSS te’n School a siem ua, a chapangte’n ‘India’ mi diktak ahiehna dinguh nasatak in a ngaihtuoh ui. Zie haw zieka hih tulai Christian sukgimtheihna (persecution) le hat deuh deuh ahi. India India Independence 1947 akipat I et leh kum 2015 sung chu Christian sukgimtheihna (persecution) atampen kum ahi a kitii. BJP 2014 a ahung hatdawk ua pat, Christiante ahun sawisak pat ngal uh ahi. Zie hih I et leh ei unle India mi diktak hihna dinga amau culture zuih ding, caste system zuih ding, aniempena um ding tihna ahi. Double a sukgimtheih I hui hi tihna ahi. Tribal I hih zie ua, kimuhnienma leh Christian I hih zie ua, muhdahna, chun, I chennau gam hile Hindu te gam ana hilo ahi.

1826 kuma Jandabo Treaty zieka India a umdawh I hui ui. I hihnu diktak chuh India mi hilo, I gam ule India gam ana hilo ahi. Bristish te'n India tawh ei na puokkhawm ziek ua India gama cheng, India mi hi chauh I hui ui. India sunga I um ziek ua India/Hindu te'n Nam niema ei kawih uh ahi zawi.

Zie tawbang thil ahih zinglai hin mi tamtak BJP ah I lut guou a, hiti hin I ngai ua, "BJP hih political party ahi a, sakhuo thu zieka kilut guo ahi puoi," a tiu hi. Khenkhat in, "A hatlo ding khat I zuih leh bang mah kihitheh lo ding, zie sanga chuh ahat khat zuih a, nasep apha zawi," a tiu ui. Khenkhat in, "Congress a corrupt taluo ta'n, kithenna khatvei aum angai hi," a tiu hi. "BJP ahung hata amau haw zieka khantohna leh good governance ahih theih leh ei u dingin apha," ti lawi le I um kit ui. Zie haw cheng hih I vak mawh et leh adik mah mah hileh kilawm in alang hi, ahinvang thil baih hi puo'n a. Aziekchuh mi vantang in het a, muh ding in, good governance, development, progress, etc. haw leh akigen dawkhlo ideology haw hung kibang lo ding ahi.

I gam ua BJP ahung hat phat leh amasapen a ei uh culture leh nasepdan awl awl in hun theng untin, Uphawk, belsung tuia kisuong, awl awla

adjust a bawl, atawpa athihlawh tawbang hung hito tho ding Ihiu. Etsakna'n- Christmas ni a Office kaih ding chuh North East India a dinga hithei nailo ahi. Chuleh, amau lakdan chuh Tribalte le Christian I hih masang ua chu Hindu I hui a, tua hi Hindu, Inn a na hung kileh kit dinguh ahi a tih u khule ei hawn kipawmlo ahi. Ahinla, BJPI support ua, I chung ua vaihawma ahung pan phat uleh zie haw hile awl awla I hun pawm dinguh, atawp leh I identity leh gam leh guo le I hun mansak theih uh ahi.

BJP join a, asunga pata siemphat ding ti te'n, zie hi ana gel hitiu. Ei mi laka IPS minthang pena kihe Pu H.T. Sangliana khan BJP min in MP Election ana tet a, asunga pat siemphat ding ana ti a, mahleh bangmah a bawl thei puoh a, a haihsan kit tai. Zie lo chun, tulai tak in Nagaland hi Christian State ahi a, Naga Peace talk zieka NPF leh BJP akizawp ziek un Nagaland Government apat Christian te sukha thei BJP te nasepna a dodalnau bangmah akimu puoi.

Mizoram Congress Government in vang a do zing ui. Nagaland ahin dodal sangin RSS te'n a ideology sukhatna di'n School leh project dang dang a bawl zing ui. I gam ua Hindu kiphalam lo a ahung lut

mah in a tih hi genlo in a het theih zieng hi. Zie guol a dam sunga thupukna siem dinga a um mai hi, a duhthusam le hi khel puon a, haihsan mai theih ding la hi thei ta lo, siemlo in um leh a insung na tieng hung muolphuo thei ding dinmun a ding le hi mawh puo'n a, zieziek chun a ngaihtuohna hi buoi mah mah in a tih a het theih hi. A Lalpa a matsak chun a suohpihnu lawmman ding leh amah dinmun ding, a gel le kipahna tak khat chun nei ngei in a, gamsung lawiupate leh vantang vaihawmte chawihsan leh deihsakna lienzaw a chan na ding hun lemchang, a neih sun sun na hun le hi mawh puon a. Khuti chu hi ta leh, hun dang cheng cheng sang inle Jerusalem leh Isreal gam sung ahin a thu le thawl in tin, mipite deihsakna leh pahchakna tam zaw a chan le kinem lah puo'n a. A lunggel dan in chuh, a Lalpa a piek dawh chun Thiempu liente leh vaihawmte hun niel dawng pai in tin, a thil hih theihna mang in zan khat, zan nih khel le tanglo in hung pawt dawh pai zieng in a, tih hi a ngaihdan hi ngei dingin ginchak aum hi.

3. A ngaihdan hi ngaihdan feltak leh thil kilawmtak, thil hi thei mah mah zieng ngaihdan hawih tak ahi. Ei le, amah dinmun ahin ki ding leh, amah ngaihdan sanga hawihzaw, kitup zaw leh felzaw ngaihdan

chuom chuom le ki nei mawh puon a. Mihiemte I lawhsapnau tampi hi Pathien in bangtin a ngai dem tih ngaihtuohna him him um lo a, mah ni ngaih dan chauh a chieh I guot tieng leh ahi sek hi. Kristian tamtak in mahni lawkna ding chauh ngaihtuoh in, Pathien lemsak ahim, ahi puom tih ngaihtuohna him him nei man lo in thupukna a siem pai pai sek u a. I suk khelh sek nau hi; dan leh Pathien in ei lemsak pih puoh khan ah e! ti hi le kilawm tak in a bawh a bawh thawh in, Kristian hinkhuo I mat tieng leh ahi sek hi. Sapchuom sung ahin le, zie guol a kristian hinkhuo mang hile tampi I um ui, ki ti le ki gen khil puo'n ah. Juda hinle, khawvel lam hi lunggul zaw ki henla, Pathien dawng masa leh khuti lawm lawm a minsietna leh thihna tieng a chung a tung ding in gingchak aum puoi. A ngaihdan chauh a chiehpah hi ahi, a suk khelhna lien pen chuh, zie ziek chun anung in, kisik tak luot ziek a ki khailum hi dingin ginchak a um hi.

4. I gam sung ahin, Kristian inkuon tamtak khuosak dan thiem a tawm deuh deuh hi. Haksa I saknau chuh sumlepai mat dan hih ahi. Sum hi I deihvek uh a, aneih theihna ding dan le I ngaihtuoh vek ua, apha mah mah hi. I gam leh khuotang hinkhuo, inkuon leh society te haw him him en leu hin, sum a tawm lai khan kuo mah mah

## *Chamna Aw*

bang mah chuom ahah lo dan ahah theih hi. Khutih lai chun, Rome in Juda gam a awpkhum lai ahi a, leng anei ta puou a, a gam sung a thuneihna sang pen chuh Rome sorkar khat nuoa um ahi pen mai hi. Thiempu lienpen Kaiapha leh a vaihawmpih (Sanhedrin)te hin Jerusalem leh Juda gam sung a thuneihna sangpen chang in vai a hawm ui. Zielai chun Mosi Dan haw kha chapou na a mang in, a thupiek leh a dan zuh sang in, zalen tak in suol bawl na leh lochalna'n a gam sung aluoh louh na mawng mawng um lo in, muntin a mitin in kiletsak pih na'n anei ui. Mahni chapouna leh kilehlakna chauh in Lalpa Pathien a ho sek ua. Zieziek chun, Jeremiah hiti hin agen a, Bangzieka Jerusalem mipite hi kum le khuo a nungchawn dinga kipuk den ahi tau hi? Thepna a tuchak ua, vaihkit a nuom puou a tih guol khan (Jeremiah 8: 5). Lalpa khawpi thiengthou Jerusalem chuh amau haw ziek in sukrawlcheh leh sukminsiet in aum zo tai. Zie lai chun, Thiempu lien Kaiapha le bangmah chuom hilo in, a thiempu hihna chuh hun lemchanga mang in, kuo thiempu e, ti lo in, aguk a gala khawvel nawpsak bawl na uor mah mah leh lem he mah mah zieng, vantang sum a ki su hausa a hi ziekin nawpsak bawl na haw hi a ngaisang in a thalah mah mah mai hi. Khuti chuh, hi zienglele thiempu lienpen deihsakna chuh mi cheng

cheng duhthusam ahi pen zing hi. Zie guol a lien leh lopi kisa zieng le le, Judith melhawih na chun Kaiapha te guol mai mai ngaihnep mai thei ding guol ei puoi. Zielai chun, amaute nih chanchin chuh Jerusalem khawpi sunga leh a kimvel a um, micheng het leh gen kai hiel in akithang ui. Numei a hihna chauh chuh deihchak tih tak lo in, a melhawihna chuh ki pawl thanguoina a mat chuh hun tawk salo in, a suohpih pa (Judas) chuh Nazareth Isu mat sak theihna ding hun lemchang hawl na'n a guk in a mang zaw tai. Khuti chuh a hih theih chun, a suohpih nu Judith chun Kaiapha apat in sum tam tak leh kicheina sana lul mantam tak piek ding in a zawl zing ana hih tuok a. Zieziek chun, Judith inle hun lemchang a muh cheng le a suohpihpa (Judas) chuh anawh zing sek hi ngei in a. Thil mawng mawng hih mahni ngaihndan hi khel khel ki lele I thisan kizawppih te'n a tih tak tak u hi chuh, zawp mai hi thil baihlam tak ahi. Judas hi le vak mawh thiem mawh hi le thil haksa tak khat a hi. Zie hun lai hin Judas hin bang lunggel anei dem maw? Angaihtuoh na hi buoi mah mah zieng ding in gingchak aum hi. Khat lam ah a suohpih nu, a langkhat a Lalpa Isu, a lehlam a gam sung vaihawmte, amah a dinga pawimawh na nei chiet, I ngaihtuoh leh baihlam tak a thupukna a siem hi haksa sa mah

## *Chamna Aw*

theihnau ziek hih NPF te ziek le himaithei ahi.

Zie haw hih I et leh a sunga lut a, asung apata siemphat a panlak ding ti te'n le bang ahun bawldawk zo na ding um tih het ahaksa ta ahi.

Teldawka um MLA/MP te le amau haw survive na ding leh chanpha channa dinga mipi voice apan sanga, BJP te puppet a pang thei ahiu hi. Mipi ding gelna, Christian I hih pet ua bawn thudik I diphah zawhloh uleh, anuoi ua MLA/MP te'n Pathien thu ahun diphah diu vang chuh I taksang ngamna ding um?

Zie thu ahin I hetnuom uleh Meitei te leh Tripura te thusim ettheih ahi. Meitei haw hih Hindu hilo, ei u tawbang ana hui hi. Kum 1708 kuma Hinduism zuh ding ana tih ua pat caste system hung kisuhah, tulai I buoinau, thingtang, phaicham mi kikhenna ana kipan ahi.

Tulai Manipur phaicham buoina hi Hinduism a ana lut ziek ua buoi ahiu tih theih ahi. Tribal chun ana umthim hiet hiet leu, tua tawbang ahah buoi lo ding, thingtang mite tawh kikhenna le ana piengdawk lo maithei ahi. Tripura khule zie guol chuh ana hi. Meitei te le Tripura lengte guola tribal ahiu hi. Ahinla, Hinduism ahun puoklut phat un Hindu te'n Brahmin caste in khatchale a kawih

nuom kit ta puou hi. Zie guol chun, ritual perform a bawl tieng uleh amau haw tawh agam uh ana theng ua, tuhin amau haw gam ah, tribal mite, panpih bei, minority ahi dawh kit tau hi.

Zie haw hih khawktaka gel angai hi. Eimah mimal ding chauh ahim, ahahloh leh tu leh tu a ding chauh gelna zieka mi gen gen taksanga I zuh uleh mangthai ding I hui hi. Zie thu I gen zieka hih ei a dinga phatchuomna ding, thilpha aum leh ngaihsakloh ding tihna ei diek puoi. Phataka thil umdan leh I dinmun uh ngaihtuoh thak apawimawh dan I suklat ahi. Politician te leh thingnuoi mite ngaihndan chauha kingak loh ding, mipite'n ei uh hinkhuo hun sukha thei ding haw chungah chittheih ngai ahi. Akhutih loh leh kum 100 masanga Christian Missionary haw hung zieka 'Darkness to Light' tia I na het uh alu leh taw kithenna hung um kit thei ahi. Ei haw'n development leh good governance deihna'n panla leuhingle atawp leh achunga Bishop Desmond Tutu thugen guol guola I hun gennau hun hungtung tei ding ahi.

Zie haw zieka hih tua Election ahah mipi ngaihndan lakkhawm deuh pha ding ahi. Hetbeh dinga pha chuh, a dodal bei a hunglut theihna ding ua

BJP Government hin tulai ahieh NEI thingnuoimite tawh phataka kiho a (negotiation) a bawllai uh ahi. Amau haw ahun suklungkim phat uleh I gamsung ua a dodal ding umlo a, a deihdan dan ua ahun bawl theih diu ahi. I masang dinguh khawktaka I gel chiet uh ngai ding ahi.

\*\*\*\*\*

## “NA KHUT A UM KHA BANG AHI”

Bible chang tel: Pawtdawkna 4:2

Amasan, Chamna Aw simtute cheng, A mithiengtho te pui a hung kit pai ding I Lalpau Isu Krista min in chibai ka hun buk hi.

Tuni hin Mosie chanchin apat leh a hinkhuo a pat in I Kristien hinkhuo ana en chien thak hi tiu.

**I. A mihihna:** Puitu masa Mosie hih a mihihna leh a dinmun bang kim hi I hetsau ahi. mahleh neu khat vak en khawm leu hin; Mosie hih a mihihna mawng mawng a le mi kingainiem leh, a mite a dinga ki piezo a hih dan Israel te chung a Pathien a lungnat lai a le, amah a ding gello a a mite phatna ding leh, a mite damna ding ahieh phawt leh ti a, Pathien masanga hangsantaka ngen ngam mi ahi (Pawtdawkna 32:11- ff). Israel te chung a Pathien a lungnat a, gawt dinga A kisak lai in, a mite tha theng in a kipie a, zieziekchun Pathien in Mosie ngetna chuh a ngaihthak sak a, Israel te chung a gawtna a tun sak guot chuh a chawl hi.

**II. Pathien in a sapna:** Pathien in Mosie Israel te puidawk dinga

a sap lai hin belam ching chauh ahi. Mahleh Pathien in a mihihna a het ziekin Israel te Aigupta a pata puidawk dingin A sam hi. Mosie’n paulap leh suonlam te siem in, a gen theihloh dan leh Israel ten a thugen ana pawm loh ding dan uh haw gen in Pathien masang ah ana kisut hi. Mahleh, Pathien sapna apat chun kisut zolo in Israel te a dinga suohchakna tuntu’n a na pang hi. Tuni hin, nang leh kei hile Pathien in bang dinga ei deih ahim tih ngaihthuoh kawm zel in, Pathien sapna hih pawm thei dinga I kisak hi gingtu te a dinga na pawimawh pen khat chuh ahi zing hi.

Khawvel a hin gingtu khat I hih nak nak chun, lam khat bek ah sapna mu ngei ngei ding I hui. Sapna le mulo hiel I hih chun chuh, I kristien

a huihpi leh guohpi a gaihthip a, phakte a sudam a, mitdukte mit ahieh vaksak lai leh Bethany khuo a Lazarus a kaithawh lai akha, amah hi hilo maw a thanuompen leh a kipak pen kha? Lalpa Isu’n thilmak ahieh laia kha amah hi a makaitu leh a thanuompen, Dangka Vawptu hi nalai. Zie banga Lalpa chung a tawih mai hi, dangka sum a ngaihnat ziek ahim? ahieh loh leh Judate lak a minphat a nawp ziek leh challang a ut ziek ahim het thiem a haksa khawp mai hi. Kuo a, thiem chansak ding, anung in nasatak in hah kisik in a kisik a himahle, a phachuom ta puoi. Sawlchak Pual in Timothe kawma lehkha a thakna ah, “Dema’n khawvel thilte a ngaihluh ziekin ei taihsan tai,” (2 Timothe 4-10) a tih guol in, Judas hinle khawvel mite deihsakna, vantang vaihawmte leh Jerusalem mipite lak a minphat leh ngaihshan a ut ziek ahidem? A Lalpa zuok tu a apan mai hi a bawl fuhlo khawp mai hi. Mihausa pa khan le a sum neih kha Pathien adinga mat gawlo in, amah a ding chauh a buoihip ziek khan, “Mingawlp, tuzan in na thagau la ding ka hi, na neih cheng cheng kha kuo a ding ahi ta die? (Luke 12 ;20) tih kha a hetngilh hi tei tei dingin gingchak a um hi. A thil hih dan hi, tulai a Sapchuomte, a hehpihte leh a lainatte hin hetthiem na-zie um ta puo’n ah. Sum a a zuok

dawk kha a bawl fuhlo khawpmai hi. A zuokna man chu a neiden ngam diek puo a, thiempte kawm a piek kit a va guo a, amau inle thisan man ahin nek thienglo ahi, tin ana gen khum zel u a. Khawvel thil hi chuh Lalpa panglo in umna tak ahiehloh zie a he ta a, a hinkhuo aki en a, Lalpa venbitna panglo in ni khat ziang le hin peih um in a he puo a, tichun sum in Bel deng te mun a chaw a, alai ah a ki khailum a, a khau tan in a ketha a, khutichun a gilpi a puokkek vek hi. (Nasepte 1;18) I nekdukna sum te hi Lalpa I zuokna sum ahi a, gingtu dik takte chun kipak tak in kawlo lo ding a hui. I kawlo sawt u chun I inkuon uh keksietna matchak hung hi zaw ding ahi.

2. Judas chanchin a gennau chun, amah hi, pa feltak leh mi gingum tak guol in a gen ua, hihle himawh puon a, Jerusalem a cheng ahi a, alak uh a lehkha thiem pen le ahi a tiu hi. Lalpa Isu a zuihna hi kum khat leh akim vel chauh hin a gen ua. Amah hin suohpih nungak melhawih tak khat amin, Judith ki ti anei a, a mel hawih dan chuh Jerusalem khawpi sung a langsar kham a melhawih a kithang ahi. A mel hawih guol in numei nasa le ahieh tuok a, a tangpi’n numei mi chungchuonga hawih a I het hawu hi lepchieh leh gingumna tasamte ahi nuom deuh sek ui, Judith le, aum dan leh a khuo hei dan apat in

---

*Chamna Aw*  
**KRISTA NANGA BANGTIN  
ALANG HI**

*SM/Clk  
Paukhogin Gangte  
15 AR, c/o 99 APO*

1. Philippi leh Kaisari biel a fan lai in Lalpa Isu'n asinsakte kawm ah, "Mi haw'n mihiem chapa hi kuo ahi atiu hi ? ti'n a dawng a. Amau chun, "A bang in, Baptist Johan ahi" atiu a, "Abang in Elijah ahi," a tiu a, " Abang in Jeremia ahim thiemgau kuo a him khat ahi, atiu hi " atiu a. " Aleh nangun kuo ahi nei tiu hi leh" ti'n a dawng kit a. Zie phet chun, Simon Peter in a dawng a, "Krista, Pathien hing chapa chuh na hi" ati a. Isu'n a kawmah "Simon Bar Jonah, na hampai, phehlevo leh thisan in ahun hetsak ahi puoh a, ka pa van a um in ahun hetsak ahi zawi " ti'n adawng hi (Matt 16; 13-17). Krista a muh dan uh hi Bible ah achuom chuom in agen a, munkhat achun thingkuong siempa Joseph chapa tin le a gen hi, adang ah Nazareth khuo thiemgau kuo ahim khat ahi tin agen kit hi. Mipite'n amuh dan uh hi ahe chien tak tak a um pou ti ahethi hi, Lal Isu le mi'n bangtin ei angai um tih ahethi nawp ziek a adawt hi ngei ding in gingchak a um hi. Biel afan lai in mipite'n he chien ki leu le, mi tamtak in taksa

damna achang ua, mithi akaithou a, phakte asudam a, changthak ahih punga, mitdukte mit ahih vak a, damlo tamtak sukdam in aum hi, ahin Nikodem, Zakai, Arimathai khuo a Joseph leh migilo kross ah amah tawh a khetden teu lak a khat pa, a sinsakte leh numei a nungzui bangzah ahim tih loh kha thagau lam malsawmna chang a um puoi ki tileh ki gen khel puon ah. Simon, Peter in Pathien chapa a hihna tak a genchien nung in, a ginglah nau cheng cheng kha ki hawktha duok mai le chuh kilawm tak ahi a. Khutia, lunggim tak leh thawmhau tak a Gethsemani huon ah a paucham a, panpihtu leh thamuntu a mamawh lai tak a, Judas Iskariot in, a kilepsan mai hi bangtieng in Lalpa leh a sinsakte lungthim a na dem maw? Lalpa Isu ngei inle, "Zie mihiem chuh a na pieng lo hileh amah ding in phazawn a," a ti hiel hi, (Mark 14:21). Judas hi Jerusalem a cheng ahiziek le hin tin, sinsakte lak ahin thu hepen leh a dawt pen a a neih uh hi ngei dinga gingchak ahi. Changthak a sukpong a, Dil a kuong chung

---

*Chamna Aw*

hinkhuo I ki et thak kit pawimawh in a. Pathien in mikhat chuh, lam chuom chuom a ding in a sam puoh a, na khat sem ding leh zie na chuh sem buting ngei ngei ding in A sam hi tih hengilh puoi tiu.

**III. Pathien dawtna:** Zie tawbanga Pathien kienga Mosie a kisut zing lai chun, Pathien in dawtna pawimawh tak mai A hun bawl tai, Mosie kawm ah na khut aum khah bang ahim tin a hun dawng tai, zie hi ahi gingtute dinga pawimawh mah mah mai chuh. Mosie a khuta a chawih zing leh, a belum chinlai apat a, anuom ahak a a matchak mawlh chuh A he chien mah mah mai hi. Zie phet chun Mosie chun, mawlh tin a dawng a.

Ziehi ahi tuni a I gennuom pen chuh. Lekhathak lam I et leh mitin te hi, Pathien in hihna khat; chem kalna zawng A piek dan a ki mui (Ephesi 4:11-16). Mi cheng vang chuh kibanglo maithei, mahleh, khen khat te chuh mi a phawt utcha, mibawl theih cheng a man le bawl theih ut le um in a. Mahleh tuni hin na kristien hinkhuo na mat toh zelna ahin, Pathien in nang khut ah bang a hun kawlsak em! tih na hetloh chun, na lampi hawhna ah lawhting lo ding na hi.

Mosie'n a khuta a kawh leh anuom ahak a ana mat kha a he a, zie ngei mang chun Pathien in, na lopi tak

tak A sep dawh sak hi.

**Thu khakna:** Mosie hin Pathien sapna a zaklai hin a hinkhuo masa haw leh Aigupta thiemna a zil cheng cheng kha he ngilh ding in na gingcha. Hengilh lo hiel ding ahi. Khawvel chitna, thiemna, neih leh go haw hi Pathien masanga ding in suontak ei puoi tih hi, a het chet zawk hi ding in ginchak aum hi.

Aziekchuh Pathien tello a a chitna, a thiemna, a hihna, a namat khan amah a dinga melma kisiemna mai mai suok ahi kha. Ziete haw cheng cheng kha Pathien masang dinga bang mah ei puoi tih leh amah suzahuoitu ahi tih a het ziek in bangmah ahiloh dan leh dangawh a hihdan te a paulap hi.

Tuni hin Gingtute nang leh kenla Pathien sapna I hetchet a pawimawh hi. Zie ngei chuh mang in Pathien in a mite damna ding leh mite hinna ding in mang chauh ding ahi. Mi khut aum kha buoipih kileh it le itthik kih, na neihlohpi leh nang chem kalna zawng lopi a aum khak chun, nang a dinga haksatn a tun chauh hilo in, midangte a dinga le buoina tuntu hi ding na hi.

Simtute cheng eimah khut a um hi Mosie guola hechien a midangte a dinga vangsakna hi thei ding in, Lalpan ei vangsak chiet tau hen.

# “SUKGIMTHEIH A UM TE PANPIHTU DING UM LOH CHUH MAK A SA MAH MAH MAI A”

(Isaiah 59:16)

- Kaizomlal

Tunin zie thupi mang a I gen nuom ahieh leh, Lalpan mak A sak mah mah mai hi, bang A genna pen hi din I ngaihtuoh kha tau em!

I sapchuom context a et ding hi ta leh bang zillai (lession) ei zil sak nuom pen a tih zie topics hi a gen a him, vak ngaihtuoh khawm in lunggelna nei leu hin maw.

Tunin, Lalpan zie thupi mangin sapchuomte kawma ei hetsak ut pen ahi leh - I vaihawmna teu, I belamteu etkaw nau ah lungsietna tawh vai I hawm nau em? Meithai leh chagah te, panpihtu ding neilote kawm ah dikna chanvo in vai I hawm khau em? Zie te haw sukgimtheih a um te panpihtu ding neilo, gensak tu ding neilote ‘aw’ hi ki hetmawhsak hi, Lalpan a mihingte a muh leh mak A sak mah maite I hih khak ding u hi lauh a um hi. Lalpan a hau leh khawsa theite hi amasa pen a na ngaihkhawk ding uh ahi tih hi Bible ah I mu kha puo a, liengvai leh sukna ding he lo a umte hi khawtuoh

un, ziete haw panpih guolo leh kiheimang san te I hih u chun Lalpa lungnatna (pap) I chan ngei ngei ding uh ahi, chuleh, I lampiu cheng a le vangphatna chang lo ding I hui hi.

Alehlah ah, I khawtang kivaihawmna leh Lalpan a chagahte dawmkang ding leh gentheite haw a dinga nu leh pa leh, dik tak a vaihawm dinga Lalpan a mihingte a deih pen ahi. Tulai khawvel chieh dan I et leh, mi hau chate, insawng nei chate, officer chate haw mit mei veng in, insung a le muhsit um tak tak te chate dawpkangna dinga lungthim pie nuom lo mah leh Ho-In a Angel bang a ki thagau mi sak mah mah mai vaihawmtu khenkhat ki um kit zel. Zie haw zieka mitam tak in Ho-In kai haw hih ei et u leh pawlam hawithawhna mai mai a Pathien ho a ei sim u ahi. I gel det det leh zachak um tak ahi.

Tunin Lalpan mak A sak mah mah te, mihingte I hih lohna ding un I lunggel teu leh I kivaipuok dan teu

ginchak loh uh hihkhak dingle ut um lawmlawm din ginchak aumpuoi. (Nungak/tangval thu ale sinsak masai tiu, khuti le chuh nupan kal hile a guk guka buoi din ginchak aumpuoi, khuti/khati ding tin na ki sinsak thei masa leh hawih mahmah din ginchak aum hi. Khuti leh kiguk/ kichak hile tawm deuhdeuh in a).

## MICHATAWHEICHATEHKAL LOH DING

Nu leh pa I hung lungnat cheng uleh, micha te khuh ki et tang, I tih tih uhih haihsan kin hitiu. Tia chuh tehkal mawngmawng ding hileu, minu/ mipa tawh ei hung tehkal leu nangle utdiek puonla, zieziek chun pat phawlawk dah zieng in. Insunga ki tehkalna ahung um mun tieng le chuh setan in vai a hung hawm tai tih hi het masak ding ahi. Chun, nu leh pa’n le, mi pasal/mi zite khuh ki et tang I tih tih uhile kin deuha haihsan ding ahi, khuti chuh ahieh loh thouthou chun navak in kikhen zieng hitiu, Lalpa’n le chate adin lampi dang guonggalh sakna’n a. Zie chuh ahieh loh naknak chun insung ahin kihah teh puoi tiu.

## THIL 8 PASAL (Husband) IN AHET DING. (Taksa thu deuh a)

1. Kipiek dawkna (Tenderness) Colossa 3:12-14.
2. Umchanpha, kingainiem (Common Politeness) Roman 12:9, 10.14.

3. Kipawlpah nuom, mi pawldan thiem (Sociability) Phil 4:8.
4. Hetthiemna nei mi (Understanding) 1 Peter 3:7.
5. Sum leh pai a diktat (Fairness in Financial matters) 1 Tim 6:6-12.
6. Hun cheng lungsietna neimi (Kindness at all times) 1 Cor 13:1-8.
7. Mi kitak leh taksan um (Honesty and Truthfulness) Ephe 4:23-25.
8. Chate adinga kiman zing mi.

## THIL 8 NUMEI (WIFE) IN A HETDING

1. Lungsietna diktak het (Learn the real meaning of Love)
2. Kichen hih bangkim bukim ina tih gelloh ding.
3. Pasal midanga sanga aphanat hawl inla, genpih in.
4. Thilphalo haihsan, minuoia um ngam ahieh ding ahi.
5. A mawhna hawl sang in, aphanatna chuh pakchan.
6. Na pasal chuh ahiehtheih chan in limbawl in.
7. Pasal tawh kal a gensietna, kimuhdahna hengilh vek in.
8. Minei en zing ahi tih hetding.

Gending tampi um mahleh zie tieng hin hun zo phawt ingka, a mawlpente’n le a hetthiem theih ding ua zik ahi a, kuo hi taleh ana simtute chengcheng Nungak/nupi or Upa/ tangval hileh Lalpa’n na pawimawh dan chiet un hun vangsak sak taken.

## Chamna Aw

mahmah din kamui. Chate leh nu leh pa a hung kimuh mun loh ua, ahung houlim khawm mun loh tieng uleh Insung hih phatlam sang a, sietlam manawh zaw ahi tai tih hi tunin a thakin geldawk kit hitiu.

### NUPA'N KIZAH TUOH DING AHI.

Nupa'n le kizah tuoh taka hinkhuo matkhawm ding ahi. Adiek taka chate masanga I ki zahtuohna kha amuh theih ding ua suklat kawmkawm ding ahi. Cha leh naute laka minu/mipa ki niel ahiloh leh ki na na zieng I hih chun chate'n nu leh pa zah nau kha beimang mai ding ahi. Ahih theih chana naute umna/muhna kinak loh hamham, ki niel loh hamham ding ahi. Alo theiloh I hung kiniel/kinak khak palh lele athiemzaw I ki chuh sanga a thiemmawh zaw ding hih kiki chuh leh chaten le ei uh apan hin zil ding tapi nei ding ahiu hi, tih hi muh in a um hi. Nu leh pa chate masanga nahung ki bak zawtzawt tieng uleh chate adin etna ding aum sek puoi, (zieziek chun kei un le kahung zuih theih nading un kingaihnienma ahiloh leh kahung tuok dinguh nupan hinkhuo a dinga lampi dik chuh kamuh theih dingun hung puo dawk thei leu chun hawih mahmah din ginchak aum hi). Pa'n le pa kahi nai tia, mi um leh umloh

dawnlo a zite a utut a a houzieng ding a hipuoi. Insung suminsie pa hih khak maimai theih ahih ziek in banglam hileh chingthei taka I um ding uh hih adeih um mahmah hi. Zi te'n le Pasal mi abat bekloh zieka mi um, saum dawnloa pasal mawk hou zieng ding ahipuoi. Lalpa Pathien I zah uh etsak na dinga I pasal chuh afuh leh fuhloh thu hiloa, I limbawla, I zah ding chuh Bible in ei thupiek ahi. Ephesi 5:22-24, Zite haw, LaLpa kawma na kituklut bang u hin, nangmau pasalte kawmah kitulut un. Krista chuh sapchuom haw luchang ahiloh a, sapum hukdampa ahiloh bangin, pasal chuh numei luchang ahi ngâl a; Khutichun, sapchuom haw Krista kawma a kituklut tawbang u hin, zite chuh bangakai ah amau pasalte kawma a kituklut dinguh ahi.

### SINSAK/HILH ZING DING AHI

Lalpa'n mawhpuokna eipiek guola hih cha leh nau te hilh a, sinsak zing ding ahi tih hetngilh loh apha. Thagau lam thu hi henla, taksa lam thu hileh kitup taka sinsak zing ding ahi. Mahni chate le hilh peihlo chun midang le hilh peih puo'n a tih hetsa ahi. Amau in ei dawng khelkhel kileu le, a hetloh uh vak dawta vak genchiet sak ding ahi, khuti le chuh amau inle ei gingcha ding ahiu hi. Chaten, nu leh pa bangmah lama ei

## Chamna Aw

hi sudanglam guo tiu. Thil hi pha ta Luo hen tih nalam a gen khiel um thei ahiloh ziek, simtute kawm ah ngaihdam ka ngen a, mah leh zie

thu apat khat bek in phatchuomna a hung neih khak palh leh a gah suoh ahi mai hi. *Kipak e.*

\*\*\*\*\*

## THUCHING KHEN KHAT

- Na dangchak man na tuikul ding kilaih masan.
- Na mel hawihlauh chuh, limet ngawh kin.
- Na lungthim a tak chun thil haks a chengle baihlam in a.
- Mel sang khat chihna dingin, kal khat suon masak a pawimawh hi.
- Sukdam sangin, suknatloh a pha zawi.
- Kum khat a ding lunggel na hih leh buh ching inla, kum sawm a ding lunggel na hih leh thing phut inla, kum za a ding lunggel na hih leh, miheim siem in.
- Pathien kieng ah thil lopitak ngen inla, nangle Pathien a dingin thil lopi tak sep dawk guon.
- Pathien A lungawih phawt chun, nang a lawhting sa na hii tih, hengilh kin.
- Pathien vangsakna na chan te a ban ban in na sim kham?
- Pathien in Amah a te chuh bang kim ah a phatna ding un a bawlsak zel hi.
- Pathien hi pa neilote leh meithai chagahte Pathien ahi.
- Min khawvel pum pi hi nei henla a hinna chan ta leh amah dingin banga phachuom ding.
- Khawvel a alien aneu chan kibanga a chan ding u chuh a dung feet 6 leh a vai feet 3 chauh ahi.

\*\*\*\*\*

## ISU NUNGZUI GINUM – MIHIEMTEN NGAWLA I NGAIH TEU

(Rev. Richard Warm Brand lehkhabu apat a kilasawn ahi.)

“Kross thu chuh mangthaite dingin ngawlhuoi ahi a, himahleh, ei uh hukdam a um laite dingin Pathien thilhih theihna ahi.” - *I Korinth 1:18*

*Evan. (Retd) Lamzagin*

Thagum a nasepna mun (labor camp) ahin, sep ding tamtak piek ahiu ui, ahin nek ding a tawm thei pen piek ahi zel ui. Tha chauh zieka sepding semzolo te chu nasataka sawisak ahi zel ui. Zie tawbang nuoi ahin Frunze (USSR) Kristien ten tihin a zik ui.

‘Ei sugimtheite a din, Pathien in kisikna A piek theihna ding un ka paucham sak zing ui. Khawvela a Pathien chate cheng in leh ka nam un thagau khanlawhna a neih theihna din ei ngetpih un.’

Vuk leh daitui nuoi chun nipi sa tak nuoi ah nasem mah leu, sawisatute hetphak loh hiel in sang tak in hinkhuo a amang ui. Pathien a lungsiet ua, a ginchak ziek un, a sawisatute, a melma teu nasan le a lawipha pen teu guol in a ngai thei ui. Zie tawbang hi ding ahi ei u le chiel I hiu.

Lithuanian vaihawmna in a hin, thiempu khat hin a hansanna a sulang hi. A hektuten thiemna (science) tawh kikal a ginna a sinsak ziek a gawtna chang din a

gen ui. Thiempu Saskeviceus chun, “Sakhuon science khan ding a dal chun, dawtna khat hun dawng ing ka, kuote a thapi tawh masapen? Gingtute ahim ginglote? Gingtu te a hiu, Thapi sunga an ne masapen chuh, Lalpa Nitak An kha ahi. Thiempupa mah in thutanpa kawm ah, “Hiemngamna hi hiemngamna mah a dit kit a haksa puoi. Khawvel thil chiehndan mawng ahih ziekin. Mahleh dit kit loh thagau thil hihtheihna mak tak ahi.” Aman le niel lo in thip hieu in suongkul a zuon hi. Khen khat ten nasatakmai in Communist te chuh zieziek haw hin ana dodal ui. Thiempupa huknan kausa khawpi ah Kristien tam tak leh Soviet sepaite a kisuol ui.

Catholic sapchuom khangthubu, tih aguk a ana suk ziek in, A Jangelis

## NAUPANG CHUH PAHCHAK DING AHI.

Tulai minu/mipa tampi’n naupangte lungthim I su kawi gam tau hi, vak pahchak sanga ‘gaih’ ahihloh leh ‘housiet’ lamzawh hih I hah bawl ziekun naupang tampi a lungthim uh a buoi gam in, a kawi gamtai. Thilphalo ahung hih khak leh hahpia gaih ding, a hung sep phat a, I thu ahung mat lele pakcha le hidieklo, ahung tawihkhiel khak ding châng bang zieng tampi i um tak ziek u hin khangthak tampi kipahna hinkhuo manglo a um tai. Naupang hih a bawl dan a key um ahi, abawl na lam phawtphawt a gaih gaih zieng ding le eipuo, naupang pahchak lawhkha himhim lo, gaih lawhlawh zieng, zie tawbang naupang hin akhuonung ua hun a hun mat toh zelnau ale a lampi’u anawk tai tih hi hetpih leuhing deih aum mahmah hi. Zieziek chun I muhloh kala thilpha ana hih, a hihloh leh amah a dinga thilpha a na kibawl hi himhim lele Eh! Bawi, nafel na e, tuni chuh pahchak na um na e! ti’n vak pakcha leng chuh a kit lele, zie kahih leh ka nu ka pa kipak in tin uh, a mau inle I kipahna ding hung hawl zelzel dingun gingchak aum hi. Zieziek chun naupang hung phat leh phatloh hile amau a kinga ahi mahmah na’n, atamzaw hih a enkawlte mawhpuokna ahi. Tunin,

ki ngaihtuoh thak hitiu, cha leh naute pakcha khaloh nahih chun tuni a pana zil in, pakcha zelzel in. Zie na pahchak na chuh amau inle hengilh puou in tin uh, ka nu/ka pa kipahna ka hih guot zing ding ahi tih le gel thakthak ding un ginchak aum hi.

## HUN MAT KHAWMPIH ZING DING.

Tulai sum leh pai, neih leh lam a ki-el nagam a hitan, minu/mipa tam tak in chate sang a sum ngaina zaw ta. Amina skul kaih sak hamham, a lawite laka a tel theih leh ki-awi mai nu leh pa I hih uchun chuh chate lamdik ah ka pui tapuoi tih hi I kihet masak deih um ka sai. Zieziekchun, cha leh naute phat ding leh Lalpa a a hung khan liet ding hih I deih uchun hun awng I neihloh lai inle ki su-awng hiting un, hun matkhawmpih himhim hitiu. Skul ahung kikhen ua ina umloh chun, ikimuh tieng bang uleh, Bawi! Tunu anuom na? Bang bang na hung zil nau u? ahihloh leh thil dang himhim le vak houlimpih leng a mau inle nuom sau in tin uh, I ngaihnat nau hile he deuh dingun ginchak aum hi. I muh munloh tieng leh khat le khat ki hehpihna khale dai heihei thei ahih ziekin zie haw hih bawl sek dinga thilpha mahmah chuh ahi. Amau utna ding bang vak gen khawm in, nuhizat na bang, ahihloh leh thusim dang hawle vak genkhawm pih zel leuhing hawih



le, thienthona lama le a gingchate tatmuh hi zaw'n."

Zie hi, Timothe kawma Sawlchak Paul thuhilhna chuh ahia, hinlah tulai a Krista sepaihte chengin mattheih chuh ahi. Chun, nu leh pate a ding in le a mat theih takzet hi. A ziek chuh, tawihzie lam ale, sinsakna lam ale, thienthona lam ale, zie haw hih ahi mi sinsakten aneih ngeingei ding ua pha mahmah chuh. Tuni a zie tawbanga mi sinsakna ding a qualification pawimawh tak neilo a naupang sinsak chun lampi dik kawkmuh zo taktak puon'a tih hi kamuh dan ahi.

**Matthai 5:16** "Na vak uchuh mi muh in vak hen."

Vak nei kahi kiti ngala, ivak kuoman a muh ding umthei lo tampi a um tai, I gam leh nam adin thâng in ahungpang zaw sek tai. Nu leh pa te'n cha leh naute chung a I mawhpuk nau, hih ding ihetngilh tieng uleh chuh I chat'eu lampi chuom ah a na pet sek ui tih hi ihet masak dingun ka hun genlat ahi. Cha leh naute buoipih man lo khawp'a sum leh pai I ngaihtuoh uhin chuh hih khiel mahmah ding I hui hi. Nu leh pate hihtheihna hi Lalpa thilthawn piek ahia, chuleh zie chuh Lalpa'n a chate amah lampi a siemtup ahieh theihna dinga eiphut uleh ei nget nau khatle ahi ngâl hi.

**Ephiesi 6:4** "Chun, nanguh pate haw, na chateu sulungna kiu inla, Lalpa thununna a leh, a hihna achun seilet sak zawu in."

Nu leh pa hihnaa cha leh naute deihdan hawla, het thiempih guot ding hile thil pawihmawh tak khat chuh ahi. Chun, a mau tawh houlim khawma a haksat nau, a buoinau haw le genkhawm pih zelzel ding ahi. Ahieh theih chana amau tawh na sepkhawma, nekkhawma, dawnkhawm ding ahi. Nu leh pa tamtak cha leh nau umpih manlo, muh le mu manlo tampi aum ua, amau hin chuh dik taka gen din nu leh pa lungsietna chuh ahe tawm mahmah mai ua, dai le a dai huoihuoi mai hi. Lehkha simna le hetpih talo, bangchan tung ahitam tih le helo nu leh pa I umding uh gingchak aum hi. Thientho na lam ale ihetloh kal un gamla pipi ana tung man sek ui. Aziék banga! I chate I ngaihsak loh ziek ahiehloh leh I dawn manloh ziek hipen din ginchak aum hi, zieziek chun nu leh pa mawhpukna ah kigel thak zel hitiu. Lalpa deihbangin I enkawl taktak nau em!

Naupang sinsakna ahin nu leh pate'n hetloh a khawk neuchah vak enthasuk nalai hitiu.

chu kum 2 sung tan in (suongkul) ah khum in a um hi. Bang tiengin a kipak ta dem? lalpa tawh buoilo hiel a kiho thei ahieh tak ziek un. A thugen nunung chuh, Krista chanchin le a thudik gen ziek in, nuoi tamtak martyr in ana thitau hi. Nang uh Pathien gingchalo ten bang tieng in ei that leu chinle bei ta lo ding ka hui. Beih malakin tam deuh deuh zaw ding ka hui hi tin a gen hi.

Communist te sawisakna sangpen chu, Piteshi Romania suongkul ah a tung hi. Ek cheh sak guon mi tam tak chun, mikhat chung a chut sak ahi. Azawh leh, a ek leh a zun chu a mah mah nek leh dawnsak ahi. Zie tawbang hi ni cheng in ziemun a hin a tung hi. A tak ahi, Kristien Shuban George chun, amah leh amah ana kithat hi. A thugen nunungpen chun, communist te sawlna a huoisie ta luoi. Amau haw a ding in mun gamla apat in ka paucham thei puoi. Amah (Isu) kawma chieh a, a mau haw a ding a va gen ding ka hitai, ka phuba hunla kiu in.

(Ken vang amah kithat hi ka ngaihsan chi a hihiel puoi. A hinla thuokna huoisie ta luon, tawbang dinmun hi a tun lawh hi. Zie hi I bouipih pen ding le ahi diekpuoi. Isu'n a thu thun A vaihawm ding ahi ngal a.

Zie hunlai hin, Communist ten

Russia Baptist Sapchuom te le thil huoisie tak bawl in, a ngawh sek ui. Zie chu, sapchuomten Baptist chang ding khat chu, a thagui a at tan un, gingtute chengin a thisan a dawn ui tih hi ahi, a gen uh. Nero hun apat inle zie tawbang thudiklo kritiente chung ah ngawhna hi ana um khapuoi.

Suohpih numei, Slovieva chun, nungak tam tak teksie te panpih dinga a sapkhawm ziekin mat in aum hi. Thu tam tak dawt ahieh nungin, Kristien lehkhaw hawp zak hi suolnan ka ngai puoi. Ka na hawp zak guol hin hihtheihna hun ka neih lai chan a hawm zak ding ka hi, ti hin zieziek hin taan inn ah khum in aum hi.

Suohpih Timtshak in a thiemna thu hiti hin a na gen hi, 'Thiemloh channa chutphah a, gucha le hilo, tuolthat le hilo, midang va subuoi le hilo a ka um ziekin kipahum ka sai. Isu ziekin ka dinmun a hin ka lawp hi. Ka thugen te ah Pathien lungsietna ka gen ziekin, Isu'n thihna tienga mihiem A lungsiet dan, A thihna zieka a gingcha chengin kumsawt hinna a neih dan uh ka phuong sek hi. Tu hin zien ka phuonga zing leh le mun danga phuong zawm zel ding ka hi.' tin hangsan tak in a gen hi.

Suohpih Krivoi in a thutawpnan, Kristiente hi thuokna a chun kawlbud dinga kiguo zo sa ka hui. Kum 40 sung gingtu ka na hi tai, (kum 10 sung tan in ah). Bangcheng ei lawh unla ei vau mah leu chin le haihsan mai thei ka hi ta puoi.

Mitam tak in martyr te um dan hi ngawl huoi a sau hi. Russia te hetpih sapchuom Pastor tenle, “Mi ngawlte” a na ti hiel ui. America a Kristien te chanchin bu khen khat

nasan inle, ngawl huoi tin, ana taklang ui. Peter inle Isu thihna ding hi ngawluoi in ana ngai hi. Sawlchak Paul ngei le a suohpihteu Jerusalem a a chieh ding chu “Ngawl huoi” in ana gen ui.

Batpist thugen minthang, Charles Spurgeon in, “Pathien a lung awite tihloh ngal chuh lung awihna ding dang ka hepuoi. Russia martyr te hile zietawbang te chu ahui ui.”

Lalpan A thu vangsak hen.

\*\*\*\*\*

## “CHATE CHUNGA NU LEH PA MAWHPUOK NA”

By: Lalminlun Aric Gangte @ Aric Gangte

**Sam 127:3** “Ngaitie, cha leh naute hi Lalpa a pat a l gochan uh ahi a…………..!”

Cha leh naute hih Lalpa vangsakna eipiek chuh ahia, a enkawl dinga set a um chuh nu leh pa te hih ahi. Zie tawbanga mawhpukna ei kipie hih mawk ngaihnep mailoh ding ahi. Zie sang a chuh naupang chuh Lalpa thu a seilet saka, Lalpa lampi dika puihuoi zawk ding lampi ngaihtuoh ding hi a siemtu chung Pathien tup leh deih dan chuh ahi. Joshua’n kei leh ka insung miten Lalpa na ahi kasep ding uh, atih guol in tunin nang leh kei inle itih a, I insung hih

I etkawl ding a tunia hih Lalpa’n muhtheih dinga mawhpukna ei piek chuh ahi. Chanchinpha thu hih insung adingin kibulphuhna hi henla, Insung ahin Pathien hih a lienpen in kikawih henla, a zawh leh mit a muhtheih a um Insung a nu leh pa te hih hileu Insung hih Lalpan umpih mahmah dingin ginchak aum hi.

**Thuchingte 22:6** “Naupang chuh a chiehna ding tak chuh sinsak leh chin, ahung upat tieng lele thahtham lo ding ahi.”

Nu leh pa na hih ziekin naupang chuh a neu apana na umpih ding chuh hetsa ahia, phataka a hung pitit chan a amattheih ding a nahung sinsak nak chun namawhpukna chuh na zo a, amanle zie chuh hengilh puonti’n adamsung in ching zing ina, tih hi Bible gen ahia, kei gen vang eipuoi. Zie mawhpukna chuh ahi, tuni a nu leh pa hihna Lalpa’n mawhpukna ahun piek chuh. Cha leh naute ahung pitit nung ua le a mattheih ding ua sinsak chuh Lalpa apata sepding leh bawlding ei kipie mawhpukna lienpen khat chuh ahi.

**Job 1:5** “Khutia a guolvaknau a zawh tieng u chuleh, Job chuh zingkal matak in a tho a, a bawn u a thien sakna dingin a min kim u a dingin maicham a siem a. Ka chapate hin thil a na hihkiel in, Pathien ana gensie kha’n au a tih ziekin Job chun hitibang chun a hih zing sek hi.”

Job in zingkal chengleh a chate ading a min uh kim in maicham a siemseka, a chate adin nicheng in maicham a siemsek hi. Zie chauh chule hilo in, bang ti ahim khatin a na gilo khanau tih ven nan amin kim chiet ua ding inle ngaihdam ngetna maicham a siem zel sek hi. Tunin, nu le pa te kigel thak hitiu, chalah naute adin nang leh

kei in bangzat vei mawngmawng Lalpa kawma maicham I siem tau hi?. Adamtheih na diu ka he puoi, lehkha athiem theihna diu ka hepuoi, ahung hatna ding uh ka hepuoi, bang zawng chuh hileh a min kim ua lam in maicham na bawl kha tam? Ki ngaihtuoh thakin, I na hih khak loh ulele tunia pat a Lalpa kawma cha te ading a maicham siema, chun asukkiel nau haw a um lele Lalpa kawma ngaihdam ngetsak zel ding ahi. Zie chuh ahih loh chun cha leh naute I etkawl na hih adiklo lama enkawl I na hihkhak ding hi lauh a um mahmah hi.

**Ephesi 5:1** “Khutichun, a cha deihtakte bangin, Pathien umdan late hui in.”

Cha leh nau sinsakna, malak na ah naupang pha leh lawhting ahung hih ding uh hih nu le pa mawhpukna ahi. Langkhat lam taka gen in chuh nu leh pa ettawn theihloh chun bangtin chate haw thudik/lamdik a sinsak thei dem tih hi mun tamtaka dawtna kimu chuh ahi. Thilpha/Pathien thu hawih taktak I sinsakthei ua, hinla I sinsakna dungzui a ihin uh amuh loh uchun I sinsaknau chuh a thawn hiding ahi.

**1 Timothe 4:12** “Na chapanna kuoma’n ngaidau kihen, thugen lama le, tawihzie lama le, hehpihna lama le, thagau lam ale, taksanna lama